



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KТРО 0019491 20

Sarajevo, 30.10.2023. godine

SUD BOSNE I HERCEGOVINE

SARAJEVO

Tužilaštvo/Tužiteljstvo Bosne i Hercegovine, tužilac [REDACTED], postupajući u krivičnom predmetu protiv Dragana Petrića i pravnog lica "LIMPRODUKT" d.o.o. Kreševo, zbog postojanja osnovane sumnje da su počinili krivično djelo Porezne utaje ili prevare iz člana 210. stav 4. u vezi stava 1. Krivičnog zakona Bosne i Hercegovine i člana 124. tačka c) istog Zakona, na osnovu člana 35. stav 1. i 2. tačka i) i člana 226. i 227. Zakona o krivičnom postupku Bosne i Hercegovine, p o d i ž e:

OPTUŽNICU

Protiv:

[REDACTED] PETRIĆ DRAGANA, [REDACTED] rođenog [REDACTED] 1961. godine u Sarajevu, [REDACTED] državljanina BiH i Republike Hrvatske, [REDACTED]

[REDACTED]
[REDACTED]
[REDACTED]
[REDACTED]

[REDACTED] Pravnog lica „LIMPRODUKT“ d.o.o. Kreševo, [REDACTED]

[REDACTED]
[REDACTED]

Što su:

U vremenskom periodu od 01.01.2016. do 31.05.2018. godine, kao poreski obveznici u smislu člana 12. i 13. Zakona o PDV-u („Službeni glasnik BiH“, br. 9/05 i 35/05), **Dragan Petrić**, u svojstvu direktora i lica ovlaštenog za zastupanje pravnog lica „LIMPRODUKT“ d.o.o. Kreševo, u namjeri da izbjegne plaćanje poreza na dodatu vrijednost, u ime, za račun i u korist pravnog lica „Limprodukt“ d.o.o. Kreševo, ostvario oporezivi promet u ukupnom iznosu od 5.840.267,10 KM, koji promet nije evidentirao u poslovnim knjigama pravnog lica, tako što ostvarenu realizaciju zaliha nije evidentirao na kontu [REDACTED] bruto bilansa ovog pravnog lica, niti je na ostvareni promet obračunao porez na dodatu vrijednost u iznosu od 992.845,00 KM, niti je isti prijavio Upravi za indirektno oporezivanje BiH putem PDV prijave, na koji način je suprotno odredbama članova 4., 5., 37. i 38. Zakona o porezu na dodatu vrijednost BiH („Sl.glasnik BiH“, broj 9/05, 35/05, 100/08 i 33/17) i člana 11. Pravilnika o primjeni zakona o PDV-u izbjegao da plati porez na dodatu vrijednost u iznosu od 992.845,00 KM, za koji iznos je oštetio budžet BiH, a **pravno lice „LIMPRODUKT“ d.o.o. Kreševo** raspolagalo ovim iznosom u svom redovnom poslovanju, a što je utvrđeno od strane inspektora Uprave za indirektno oporezivanje BiH dana 19.06.2018. godine, tokom poreske kontrole poreskog obveznika „LIMPRODUKT“ d.o.o. Kreševo vršene u periodu od 19.06.2018. do 18.07.2018. godine, kada je utvrđen manjak, odnosno odsustvo zaliha robe u vrijednosti od 5.840.267,10 KM, te poreskom obvezniku utvrđena dodatna porezna obaveza u iznosu od 992.845,00 KM za obračunski period maj 2018. godine.

Dakle, pružajući lažne podatke o svojim stečenim oporezivim prihodima, izbjegli plaćanje poreza na dodatnu vrijednost u iznosu preko 200.000,00 KM, a pravna osoba raspolagala ovom protupravno ostvarenom imovinskom koristi,

Čime su, Dragan Petrić počinio krivično djelo Porezne utaje ili prevare iz člana 210. stav 4. u vezi stava 1. KZ BiH, a pravno lice „LIMPRODUKT“ d.o.o. Kreševo krivično djelo Porezne utaje ili prevare iz člana 210. stav 4. u vezi stava 1. Krivičnog zakona BiH, u vezi sa članom 124. tačka c) istog Zakona.

Predlažemo da se na osnovu člana 110. i 111. Krivičnog zakona BiH od pravnog lica „LIMPRODUKT“ d.o.o. Kreševo oduzme protivpravno stečena imovinska korist pribavljena krivičnim djelom u iznosu od 992.845,00 KM na ime utajenog PDV-a, za koji iznos je oštećen budžet BiH.

TUŽILAC
TUŽILAŠTVA/TUŽITELJSTVA BiH